



Crna Gora
Prijestonica Cetinje

PRIJESTONICA CETINJE

Broj: 013-404/16-220/9

Mjesto i datum: Cetinje, 29.03.2016. godine

Na osnovu člana 105 stav 2 Zakona o javnim nabavkama („Službeni list CG“, br. 42/11 i 57/14), u postupku odlučivanja o izboru najpovoljnije ponude po tenderskoj dokumentaciji broj Prijestonice Cetinje broj 03-02Š/15 od 10.03.2016. godine za šoping postupak javne nabavke roba – uniforme za komunalnu policiju, ovlašćeno lice Prijestonice Cetinje, na prijedlog službenika za javne nabavke donosi

Rješenje
o obustavljanju postupka javne nabavke

Obustavlja se postupak javne nabavke po tenderskoj dokumentaciji broj Prijestonice Cetinje broj 03-02Š/15 od 10.03.2016. godine za šoping postupak javne nabavke roba – uniforme za komunalnu policiju iz razloga što nije dostavljena nijedna ispravna ponuda.

Obrazloženje

Prijestonica Cetinje je dana 10.03.2016. godine objavila na portalu javnih nabavki Tendersku dokumentaciju za postupak javne nabavke šopingom br. 03-02Š/15 za nabavku roba – uniforme za komunalnu policiju.

Na predmetno nadmetanje pristigla je ponuda ponuđača “KOTEKS” D.O.O. Tešanj.

Službenik za javne nabavke je sačinio Zapisnik o javnom otvaranju ponuda br. 013-404/16-220/7 dana 22.03.2016. godine u kome je konstatovao da je na predmetno nadmetanje pristigla jedna ponuda i da je blagovremena.

Naime, Službenik za javne nabavke je sproveo postupak ocjene ispravnosti dostavljenih ponuda u skladu sa članom 16 Pravilnika o metodologiji iskazivanja podkriterijuma za izbor najpovoljnije ponude u postupku javne nabavke („Sl.list CG”, br. 24/15) i utvrdio da je dostavljena ponuda neispravna.

Neispravna je ponuda ponuđača:

1. "KOTEKS" DOO Tešanj, ul. Bukva bb

- Dokazi o ispunjenosti uslova sadržanih u tenderskoj dokumentaciji:
 - Uvješene broj 043-0-Su-R I-16-000 175 od 01.02.2016. godine, izdato od strane Općinskog suda u Zenici, Bosna i Hercegovina, da društvo „KOTEKS“ DOO Tešanj nije pod stečajem, niti je predmet stečajnog postupka i nije predmet postupka likvidacije, kopija ovjerena od strane Službe za boračko-invalidsku zaštitu i opće poslove, Općinski načelnik, Općina Tešanj broj 772 od 09.02.2016. godine
 - Potvrda broj SU: 03-240/16 od 01.02.2016. godine izdata od strane Suda Bosne i Hercegovine, kojom se potvrđuje da pravnom licu „KOTEKS“ DOO Tešanj nije izrečena pravosnažna osuđujuća presuda za prevaru, korupciju, organizovani kriminal i pranje novca pred Sudom Bosne i Hercegovine, kopija ovjerena od strane Službe za boračko-invalidsku zaštitu i opće poslove, Općinski načelnik, Općina Tešanj broj 265 od 04.02.2016. godine
 - Uvjerjenje broj 13-4/4-15-4-45/16 EF od 26.01.2016. godine izdato od strane Porezne uprave Federacije B i H, Kantonalni porezni ured Zenica, Porezna ispostava Tešanj, da „KOTEKS“ DOO Tešanj prema poreznoj evidenciji nema obaveza, kopija ovjerena od strane Službe za boračko-invalidsku zaštitu i opće poslove, Općinski načelnik, Općina Tešanj broj 598 od 29.01.2016. godine
 - Uvjerjenje broj 02/6/IV-16-11-72-6890-1 od 24.12.2015. godine izdato od strane Uprave za indirektno-neizravno oporezivanje – Regionalni centar Tuzla, da „KOTEKS“ DOO Tešanj na dan 24.12.2015. godine nema dospjelih, a neizmirenih obaveza po osnovu indirektnih poreza, kopija ovjerena od strane Službe za boračko-invalidsku zaštitu i opće poslove, Općinski načelnik, Općina Tešanj broj 6535 od 30.12.2015. godine
 - Aktuelni izvod iz sudskog registra broj 043-0-RegZ-16-000177 od 25.01.2016. godine izdat od strane Općinskog suda u Zenici, kopija ovjerena od strane Službe za boračko-invalidsku zaštitu i opće poslove, Općinski načelnik, Općina Tešanj broj 1183 od 22.02.2016. godine
 - Certifikat (ISO 9001:2008) registracioni broj 12 100 35173 TMS važi do 28.12.2017. godine izdat od strane TUV SUD Management Service GmbH, kopija ovjerena od strane Službe za boračko-invalidsku zaštitu i opće poslove, Općinski načelnik, Općina Tešanj broj 548 od 28.01.2016. godine
 - Certifikat (OHSAS 18001:2007) broj CRO19065S važi do 25. jula 2015. godine izdat od strane Bureau Veritas Certification, kopija ovjerena od strane Službe za boračko-invalidsku zaštitu i opće poslove, Općinski načelnik, Općina Tešanj broj 548 od 28.01.2016. godine
 - Certifikat (ISO 14001:2004) broj CR18996E važi do 25. jula 2015. godine izdat od strane Bureau Veritas Certification, kopija ovjerena od strane Službe za boračko-invalidsku zaštitu i opće poslove, Općinski načelnik, Općina Tešanj broj 548 od 28.01.2016. godine
 - Opis i fotografije traženih uniformi.

- Ponuđena cijena:
 - Ukupno bez PDV-a: 5.895,00€
 - PDV: 1.120,05€
 - Ukupan iznos sa PDV-om: 7.015,05€
- Ostali elementi ponude zahtijevani tenderskom dokumentacijom:
 - Naslovna strana ponude,
 - Sadržaj ponude,
 - Podaci o ponudi i ponuđaču "KOTEKS" D.O.O. Tešanj,
 - Finansijski dio ponude i uslovi ponude (rok izvršenja ugovora je 30 dana od dana zaključivanja ugovora; mjesto izvršenja ugovora je Prijestonica Cetinje, ul. Bajova br. 2; način i dinamika isporuke/izvršenja: 30 dana od dana zaključivanja ugovora; garantni rok: 12 mjeseci; garancija kvaliteta: prilikom isporuke obezbijediti certifikat ovlaštene laboratorije; način sprovođenja kontrole kvaliteta: kvalitativna kontrola i kvalitativno-kvantitativna kontrola; rok plaćanja: 60 dana od dana dostavljanja fakture; način plaćanja je virmanski; preiod važenja ponude je 60 dana od dana javnog otvaranja ponuda)
 - Izjava o nepostojanju sukoba interesa na strani ponuđača, podnosioca zajedničke ponude, podizvođača/podugovarač br. IP/321/16 od 14.03.2016. godine potpisana od strane ovlaštenog lica ponuđača "KOTEKS" D.O.O. Tešanj,
 - Izjava o namjeri i predmetu podugovaranja br. IP/321/16 od 14.03.2016. godine potpisana od strane ovlaštenog lica ponuđača "KOTEKS" D.O.O. Tešanj,
 - Nacrt ugovora o javnoj nabavci potpisan od strane ovlaštenog lica ponuđača.
- Ostalo:
 - Ovlašćenje za Amnu Mandžukić br. IP/321/16 od 14.03.2016. godine.

Ponuda ponuđača "KOTEKS" D.O.O. Tešanj je podesena u zatvorenoj koverti na kojoj je na jednom dijelu ispisan naziv i sjedište naručioca, broj poziva za javno nadmetanje i tekst sa naznakom: "Ne otvaraj prije javnog otvaranja ponuda", a na drugom dijelu naziv, sjedište, ime i adresa ponuđača.

Službenik za javne nabavke je sproveo postupak ocjene ispravnosti ponude ponuđača "KOTEKS" D.O.O. Tešanj u skladu sa članom 16 Pravilnika o metodologiji iskazivanja podkriterijuma za izbor najpovoljnije ponude u postupku javne nabavke („Službeni list CG”, br. 24/15), te je utvrđeno sljedeće:

- da je podnesena u predviđenom roku;
- da nije pripremljena i dostavljena na predviđeni način
Naime, ponuda ponuđača „KOTEX” DOO Tešanj je zapečaćena mekim pečatnim voskom, a u Tenderskoj dokumentaciji broj 03-02Š/16 od 10.03.2016. godine u dijelu Pripremanje ponude u stavu 4 precizirano je da ponuda mora biti povezana jednim jemstvenikom i zapečaćena **čvrstim pečatnim voskom** sa otiskom pečata, žiga ili sličnog znaka ponuđača na pečatnom vosku, tako da se ne mogu naknadno ubacivati, odstranjivati ili zamjenjivati pojedinačni listovi, a da se pri tome ne ošteti list ponude, jemstvenik ili pečatni vosak.
- da je finansijski dio ponude dat u odnosu na sve stavke tehničke specifikacije, odnosno predmjera radova iz tenderske dokumentacije;

- da je pojedinačna i ukupna ponuđena cijena iskazana na previđeni način;
- da su ponuđene tražene tehničke karakteristike;
- da ponuda nije alternativna (nije ni zahtjevana);
- da je dostavljena garancija ponude predviđene sadržine;
- da nijesu dostavljeni svi dokazi kojima je dokazana ispunjenost uslova za učešće u predmetnom postupku javne nabavke i da njihovom nije sadržinom dokazana ispunjenost predviđenih uslova

U ponudi ponuđača „KOTEKS” DOO Tešanj nije dostavljen dokaz da njegov zakonski zastupnik nije pravosnažno osuđivan za neko od krivičnih djela organizovanog kriminala sa elementima korupcije, pranja novca i prevare, a u Pozivu za javno nadmetanje u postupku javne nabavke šopingom u dijelu Uslovi za učešće u postupku javne nabavke stav 1 tačka 3 precizirano je da u postupku javne nabavke može da učestvuje samo ponuđač koji dokaže da on odnosno njegov zakonski zastupnik nije pravosnažno osuđivan za neko od krivičnih djela organizovanog kriminala sa elementima korupcije, pranja novca i prevare.

Nadalje, ponuđač „KOTEKS” DOO Tešanj je dostavio Certifikat ISO 14001:2004 i Certifikat OHSAS 18001:2007 čiji je rok važenja istekao;

- da su ispunjeni uslovi za podnošenje zajedničke ponude i angažovanje podgovarača, odnosno proizvođača (samostalna ponuda);
- da je ponuda pripremljena na jeziku ponude

U ponudi ponuđača „KOTEKS” DOO Tešanj dostavljen je Certifikat ISO 9001:2008 na engleskom jeziku, a u Pozivu za javno nadmetanje u postupku javne nabavke šopingom u dijelu IX Jezik ponude navedeno je da je jezik ponude crnogoski jezik i drugi jezik u službenoj upotrebi u Crnoj Gori, u skladu sa Ustavom i zakonom;

- da nepostoji sukob interesa na strani ponuđača, podnosioca zajedničke ponude, podgovarača ili proizvođača (samostalna ponuda);
- da su ispunjeni drugi uslovi i zahtjevi predviđeni tenderskom dokumentacijom.

S obzirom na prednje navedeno ponuda ponuđača “KOTEKS” D.O.O. Tešanj ocijenjena je kao neispravna u skladu sa članom 100 stav 1 tačka 1 Zakona o javnim nabavkama kojim je propisano da je neispravna ponuda koja nije sačinjena u skladu sa uslovima utvrđenim tenderskom dokumentacijom i članom 100 stav 1 tačka 3 Zakona o javnim nabavkama kojim je propisano da je neispravna ponuda koja ne sadrži dokaze utvrđene tenderskom dokumentacijom, pa se kao takva odbija.

S obzirom na prednje navedeno Službenik za javne nabavke je predložio Gradonačelniku da donese odluku o obustavljanju postupka javne nabavke u skladu sa članom 105 stav 1 tačka 1 Zakona o javnim nabavkama kojim je propisano da se postupak javne nabavke obustavlja u slučaju da nije dostavljena nijedna ponuda i/ili nijedna ispravna ponuda.

Na osnovu ovako utvrđenog činjeničnog stanja, a u potpunosti prihvatajući predlog Službenika za javne nabavke, primjenom odredbe člana 105 stav 2 Zakona o javnim nabavkama, Gradonačelnik Prijestonice Cetinje, kao ovlašćeno lice naručioca odlučio je kao u dispozitivu ove odluke/rješenja.

Uputstvo o pravnom sredstvu

Ponuđač može izjaviti žalbu protiv ovog rješenja Državnoj komisiji za kontrolu postupaka javnih nabavki u roku od 10 dana od dana dostavljanja ovog rješenja.

Žalba se izjavljuje preko naručioca neposredno, putem pošte preporučenom pošiljkom sa dostavnicom ili elektronskim putem sa naprednim elektronskim potpisom.

Žalbom se može pobijati: postupak prijema ponuda; postupak javnog otvaranja ponuda, sadržaj i način dostavljanja zapisnika o javnom otvaranju ponuda; postupak pregleda, ocjene, upoređivanja i vrednovanja ponuda i/ili zakonitost ovog rješenja.

Uz žalbu se dostavlja dokaz da je plaćena naknada za vođenje postupka po žalbi u iznosu od 1% od procijenjene vrijednosti javne nabavke, a najviše 8.000,00 eura, na žiro račun Državne komisije za kontrolu postupaka javnih nabavki broj 530-20240-15 kod NLB Montenegro banke A.D.

Ukoliko je predmet nabavke podijeljen po partijama, a žalba se odnosi samo na određenu/e partiju/e, naknada se plaća u iznosu 1% od procijenjene vrijednosti javne nabavke te / tih partije/a.

Instrukcije za plaćanje naknade za ponuđače iz inostranstva nalaze se na internet stranici Državne komisije za kontrolu postupaka javnih nabavki.

Ukoliko se uz žalbu ne dostavi dokaz da je uplaćena naknada za vođenje postupka u propisanom iznosu žalba će biti odbačena kao neuredna.

Ovlašćeno lice naručioca
Aleksandar BOGDANOVIĆ, Gradonačelnik

